

中國地方志集成

四川府縣志輯 ⑤⑥

道光保寧府志

民國閬中縣志

巴蜀書社 ● 江蘇古籍出版社 ● 上海書店

中國地方志集成

四川府縣志輯⑤⑥

出版 巴蜀書社

(成都鹽道街三號)

印刷 成都東方福利彩印廠

發行

四川省
新華書店

責任編輯 謝藝波

封面設計 范一辛

(川)新登字〇〇八號

1992年8月第1版 1992年8月第1次印刷

ISBN7-80523-478-7/K·96

保寧府志序

保寧古巴郡地山河四塞

北連秦隴東通巴峽

爲蜀中北門重鎮我

朝定鼎以來承平雅化薄海同風保寧

水陸輻輳戶口殷繁休養生息將一

百載蒞斯土者撫字之餘文獻無徵

識者惜焉歲己卯余以巡閱到郡覽

保寧府志序

一

其山川視其學校而知觀察雲屏黎

公之有造於茲土也雲屏蒞任十數

年矣爲政之暇念府屬全贊就敝倡

議興修而考棚書院營學及錦屏山

之祠堂亭榭名勝之區次第修葺郡

城俯瞰大江嘉陵涪水之所匯每漲

發衝突觀察疊石累土築隄數十丈

亘若長虹附郭東北有田數千頃地

勢平衍觀察開通濟渠以利之而南

津義渡及棲流所寄骨寺利民之事

靡不畢興余巡視畢還憩於錦屏書

院之講堂愛其景物清佳因畱聯額

以誌勝概繼又披閱觀察所著公餘

紀事一卷凡有修葺必加碑記以品

保寧府志序

二

後來登覽之餘吟詠益夥一時名卿

大夫之所畱題及一家子弟之所唱

和彬彬郁郁萃於一編均足以光志

乘而異乎俗吏之爲之也頃以郡志

告成書來囑余序余旣喜觀察能盡

心士民之政又於郡之掌故蒐輯而

成是志也應之曰郡縣之有志猶國

之有史史以紀一朝之政治得失而志亦以備千秋之考鏡詳畧不同要其發凡起例別類分門大之災祥之有驗於人事兵防之有關於武備形勢扼要爲守險者所必知疆域廣狹爲按圖者所必詳旁及藝苑古蹟畸人逸士有資採錄者比之作史具體

而微保寧向未有志而李鍾義太史手錄之書未經付梓久而失傳觀察網羅散失訪之郡中耆老自分野至藝文彙爲六十二卷今觀其所自序知觀察一無藍本苦心冥索無滲漏亦無雜稗野因念茲事之有待於其人非偶然也夫踵事者易爲力創始

者難爲功曩者鄭許說地多取班言郭杜解經每襲彪見觀察乃獨爲其難焉他日郡之人披志乘而悉數之曰此邦之山水勝概觀察之所標而出也此邦之節義彪流觀察之所闡而揚也美政績者思元珪諸君之治緬鄉賢者重堯叟兄弟其人於以補常琚華陽之志卽以備太史輶軒也觀察正當服官政之年從此精勤弗懈勒爲治譜風示來茲更當與字水屏山共垂不朽矣故樂得而序之道光元年歲次辛巳長至月督蜀使者襄平蔣攸銛礪堂氏序

知府曰守不知何以能守不讀志何以能知問之
吏典皆茫然也詢於僚友及鄉士大夫之家均無
存焉金曉泉經歷鑑尚留藏本展卷而知纂修之
未久也索其原板已不知所在屬曉泉蒐訪得之
書肆中缺失若干篇摸刻完補即歸經歷署收貯
交代並偕田友衡蕙田毛季海瀚張霽峯欽祖王
山甫仲選謝紫谿頴陳子農初田玉節齋振錫慄
庵檀屠荊洲春林徐讓水樹楠諸牧令各印訂若
千部存之庶不致日久漫漶無可稽攷嗚乎前人

保寧府志序

五

良法美意莫爲之繼轉瞬皆弁髦耳獨志乘也與
哉余待罪於茲纔匝月又將有閩中之行書數語
於簡端以勗曉泉並屬望於後之守斯土者道光
癸卯中夏兼署四川北道知保寧府事升任福
建汀漳龍道汪左徐宗幹識

保寧府志序

郡縣之有志志疆域山川也志建置
沿革也志學校講舍水道隄防也凡
夫節孝選舉鄉賢名宦以及名勝登
覽之蹟有關於一郡一邑者靡不志
志焉靡不詳所以存舊規示來茲也
然而疆域依然山川如故而歷代何

保寧府志序

一

以有建置何以有沿革學校講舍所
以興文教水道隄防所以護城郭利
人民而或有利未興有廢未舉有善
未彰有幽未闡雖有對山武功之筆
君子無取焉保寧統轄數州郡又有
高山大川爲之形勢往者兵燹蹂躪
迄我

朝定鼎之初重臣宿將大纛高牙輒駐
於此而此郡爲四川省會實用武之
國後乃改建府治

命觀察以分巡之百餘年來民以養恬士
知禮樂蒸蒸然稱極盛焉其時民氣
雖復士習旣敦而利未克興廢未克
舉也善未及彰幽未及聞也同鄉黎

保寧府志

序

二

君雲屏觀察來巡是邦撫而嘆曰郡
之民氣如此士習如此而百務未修
是余之責也爰於課治餘閒出廉俸
不謀於郡之人士首建學宮次錦屏
書院次西城河隄次營學次通濟渠
南津義渡次棲流寄骨二所又以其
暇日訪諸古蹟如中天樓張烈文侯

祠載酒堂捧硯亭落奕山房古觀星
臺亦以次畢舉不傷民財不費公家
一錢而保郡爲之改觀保郡之人士
亦無不尸祝而頌禱之也曩者余家
居聞觀察爲茂才時卽以亟公邀

厚賞及官都下聞觀察治蜀善政輒躍然喜

曰吾鄉有賢人豈特邦家之光抑亦

保寧府志

序

三

間里之榮豈惟大有裨於保郡人士
異日建牙開府造福無窮亦卽於此
兆之也余心慕之惜不得一來西川
以觀其政績之成歲已卯適奉

命視學來蜀甫入川北境見戶口熙熙絃誦
雍雍觀風問俗爲心儀者久之旣而
按試至郡謁學宮遊錦屏書院周覽

西城河隄及屏山諸名勝顧觀察而笑曰有是哉余昔之所聞誠恐不逮所見今所見洵勝於昔之所聞也然而觀察之績著觀察之心勞矣觀察之心勞觀察之官貧矣夫舉事者不爲一時之計將以垂之久遠焉保郡向無志也文旣無徵獻亦無攷何所

保寧府志

序

四

取資以示傳信觀察苦心搜輯自夫疆域山川建置沿革有道里之可稽年代之可證者旣已備載於篇矣乃若其人已往其事難湮節烈可風不居忠義之後文學雖長不與循良同傳茲則有善必彰有幽必闡而學官講舍水道隄防利者興廢者舉與夫

名勝之區罔弗可傳可久則又觀察所次第經營畢殫厥心也觀察政成頌興行將遷去而保郡人士飲水思源不忘所自景學官之巍峩如見何武鍾離意之敬恭焉望講堂之聿新尤念文翁之剏始焉過河隄而嘆白傅之遺登屏山而勒羊祜之石則覽

保寧府志

序

五

斯志也又豈止朱邑之生祠桐鄉崔帥之畱鞞部民已哉至若體例森嚴筆力遒勁擬諸對山武功夫復何讓是又觀察之餘事不必爲之詫異也道光元年冬孟四川學政蓉峯聶鉞敏譔

保寧府志序

已西自漢分郡以來無志至

國初始有李鍾巖太史手錄保寧府志一冊然未付梓其書不傳夫閩中渝水爲華胥之淵伏羲所都三巴首導神功也五丁始通輿區也山川險聞天下人物盛自漢唐顧可使數千百年無一乘之傳令採風者嘆無徵乎且我

保寧府志序

一

朝開國會墟實在於斯一時名臣宿將持旌駐節者幾二十年而又首開蜀秀擢人才者四科則固梁洋益梓之一大都會也又可無特文專獻以紀若斯之盛耶予奉

命監司川北得以周覽山川進郡之耆舊與言風土民物古今掌故之存退而取通志觀之多有所未合况自嘉慶乙亥纂修以後迄今已七年矣其間如兵營城郭學校數大

事並爲信史所關至於官師科第文章節

烈之倫亦宜表而出之使不於此時昭其美備恐久而缺畧者必多然則郡志之修不可緩也明矣顧自下車來察吏安民未遑游心於載籍比年庶官和民氣樂而徐秋山太守亦以爲言遂精延嗜古之儒於辛巳春開局廣蒐舊典博採耆聞別類分門發凡起例今夫郡志周官之外史也撫

保寧府志序

二

民人施政教驗得失胥在於此矧創始之書非僅拾遺文者比必精其思如江河之導源焉富其言如龜鼎之陳寶焉峻其旨如龍門之桐無枝葉焉精矣峻且富矣而猶有難者則以陵谷變遷時殊勢異有非簡冊間所能盡得予來是邦久每於耳目所見聞古今所同異無不一一識之於心故得考其是非集思廣益確然共勒爲成

書上自分野下迄藝文分爲六十二卷其
天文則李燾之候圖楊慎之晴雨可以坐
而談也其輿地則譙周之巴志鄭樵之圖
經可以臥而遊也其食貨則文光之考兩
風費著之撰物譜可以按而稽也其學校
則蘇過之傳弟子常寬之列後賢可以景
前徽也其武備則胡西仲之編靖蜀劉仕
偉之錄從戎可以欽英風也其職官則杜

保寧府志序

三

眉州之集名臣費華陽之標廉吏其選舉
則劉春之志科第費密之議貢舉可以問
政治資考鏡也其人物則陳壽之傳耆舊
何求之集閭苑可以溯流芬也其雜類則
張唐英之櫛杭海濱叟之記聞可以供博
雅也至於藝文則斟酌乎升庵之全蜀而
披華啟秀可以式歌而式思也如是者歷
一年而始竣夫然後神功奧區得顯其奇

於蜀北夫然後大都名會得揚其盛於全
川夫然後七年來之創制經營千百年之
因陋就簡得以大書特書薈萃而爲秦漢
以來未有之著作豈不偉哉尤有進者巴
西爲江漢之源昔文王之化首被江漢我
朝定蜀首入版圖則可知風行俗美固不獨
全蜀先聲亦天下之綱領也蒞斯土者撫
茲民物援古鑒今循趙瑤薛逢之蹟而次

保寧府志序

四

第布之以仰副

聖天子慎簡乃僚之意則修志者之厚望也夫
道光元年歲辛巳長至月分巡四川川北
兵備道鹽運使銜湘南黎學錦序

保寧府志序

保寧漢巴西郡也甲戌奉

命守茲土問政之暇徵文考獻求所謂典要者觀之而竟闕如夫周禮大司徒掌天下之圖辨邦國都鄙與財用之數古之圖今之志也無志何以識險易無志何以計盈虛無志何以驗貞淫無志何以旌別淑慝而人知所懼成之一郡爲志成之天下爲史志

保寧府志序

一

固不綦要哉况巴西自金牛關道玉斧開疆常璩以爲瑰偉俶儻邢璣以爲文學風流井絡名區而未聞有一代之書以昭來許何太畧也意者鄧藍姚黃屢經兵燹欲爲焉而未得其時歟抑耆舊傳聞殘於烽燧網羅散失者未易其人歟江淹曰作志難志果若是之難乎於是慨然又未敢輕爲已任言之雲屏觀察觀察意相合時民

事方殷姑置焉有待數年來撫字休息觀

察所修舉盡力襄其成而史梅裳明經以

觀察約自山左至梅裳予論文友也遂復

請於觀察觀察力任其事辛巳春聚書若

千卷延梅裳總其大綱簡儒紳精其分輯

仿全史以起例取百家而爲言然哀集編

次定甲乙辨魯魚者已自夏徂冬矣書成

爲類十爲卷六十有二惟信惟允必覈必

保寧府志序

二

精煥乎集珍之於元圃也縟乎操斧之於

鄧林也今我

朝

重熙累洽道一風淳守土者得於撫綏之餘共勤

釐定而各家著述亦半出於蓬門巖壁之

中無少遺憾則是數百年抱殘守缺而適

成於今日非所謂待其人而後行耶且夫

志者政教之所徵也政重於經時故天文

居首政大於敷化故人文居終其間山川名物與夫忠臣孝子文章勲業之偉大之備

國史職方所採遠之徵人心風俗所同自有是書吾知勤於上者益精其治賢於鄉者益淑其躬後之人輝映乎何薛陳黃諸君子則是書豈徒供博雅亦維風助教之大端也猗歟盛哉觀察亦可謂有志竟成矣

保寧府志序

三

予固未嘗效一得之愚也幸其成而紀其實爰綴言於編末

道光元年歲次辛巳長至日保寧府知府襄平徐雙桂序

保寧府志目錄

卷之一

天文志

分野

卷之二

輿地志

建置沿革

卷之三

輿地志

疆域

卷之四

輿地志

形勢

保寧府志卷之一

目錄

卷之五

輿地志

風俗

卷之六

輿地志

山川

卷之七

輿地志

城池

卷之八

輿地志

關隘

卷之九

輿地志

隄堰

卷之十

輿地志

津梁

卷之十一

輿地志

公署

卷之十二

輿地志

祠廟

卷之十三

輿地志

寺觀

保寧府志

卷之一

目錄

二

卷之十四

輿地志

陵墓

卷之十五

輿地志

古蹟

卷之十六

輿地志

金石

卷之十七

食貨志

銅賑

卷之十八

食貨志

田賦

卷之十九

食貨志

倉儲

卷之二十

食貨志

權政

卷之二十一

食貨志

鹽茶

卷之二十二

食貨志

戶口

保寧府志

卷之一

目錄

三

卷之二十三

食貨志

物產

卷之二十四

學校志

學校

卷之二十五

學校志

典禮

卷之二十六

學校志

祀典

卷之二十七

學校志

書院

卷之二十八

武備志

武功

卷之二十九

武備志

兵制

卷之三十

武備志

驛傳

卷之三十一

保寧府志

卷之一

目錄

武備志

舖遞

卷之三十二

職官志

題名

卷之三十三

職官志

政績

卷之三十四

職官志

忠節

卷之三十五

職官志

雜傳

卷之三十六

選舉志

進士

卷之三十七

選舉志

舉人

卷之三十八

選舉志

貢生

卷之三十九

選舉志

武科

卷之四十

保寧府志

卷之一

目錄

選舉志

封蔭

卷之四十一

選舉志

薦辟

卷之四十二

人物志

人物

卷之四十一

人物志

忠義

卷之四十四

人物志

孝友

五

卷之四十五

人物志

行誼

卷之四十六

人物志

隱逸

卷之四十七

人物志

列女

卷之四十八

人物志

仙釋

卷之四十九

保寧府志 卷之一 目錄

人物志

藝術

卷之五十

人物志

流寓

卷之五十一

人物志

雜傳

卷之五十二

雜類志

事紀

卷之五十三

雜類志

餘聞

卷之五十四

雜類志

祥異

卷之五十五

雜類志

辨誤

卷之五十六

藝文志

文

卷之五十七

藝文志

文

卷之五十八

保寧府志 卷之一 目錄

藝文志

文

卷之五十九

藝文志

文

卷之六十

藝文志

詩

卷之六十一

藝文志

詩

卷之六十二

藝文志

詩

保寧府志卷之一

凡例

一保寧無舊志可循通變史例參酌新舊通志規模立體務求其備制律必基於嚴

一志必有統紀而後事順義明茲仿漢書各志體天文輿地食貨學校武備職官選舉人物雜類藝文

共爲十志以總其綱分五十七類以疏其目庶按籍以稽有條不紊

一保寧城池學校景物各圖考俱載卷首惟赤道南

保寧府志卷之一 凡例

北及二宿分野圖冠於天文以便披覽

一爲郡爲州爲路歷代建置不同考地論時最難指

掌茲爲沿革表復綴沿革說縱橫以清其源分合

以通其變俾上下一覽不至泥古拘今

一山川古蹟時勢既殊難執一說無嫌博引分載其

下並詳標書目以爲說地者據

古蹟爲昔賢芳躅指識者可以動觀感湮沒者可

以待考核故邑廢城以及亭池臺榭雖名存實亡

無不備載

一各志多立鄉村街市坊表諸門體制無關適形綱項茲僅採坵寨勢抗險要者入於關隘用示守望

之助以全保障之功

一我

朝厚澤深仁

懷音屢沛

一恩露免至再至三寶曠代未有之施允宜特書用宜自

世葉爲錫政冠於良貨首以昭敬慎

一田賦倉儲權政鹽茶各類歷代成規難考其細挂

保寧府志卷之一 凡例

一漏萬求詳轉畧今謹列

一國朝定制以昭畫一

一學校爲造士育材之本禮明樂備

一聖代爲隆茲博採儀文並敬溯尊禮源流以彰鉅典至

書院輔乎庠序亦載於末

一保寧爲全蜀扼要

一國初蕩平流寇以及殲滅教匪大兵勦撫川北尤多特

勒一編以紀

德威之盛至前代征伐寇攘悉入事紀於體裁較爲得宜

一職官總爲一表文秩武秩因革源流上溯三代下迄元明冠於題名以便稽考

一名宦須奉

古人祀者當之且必追賧何薛完璧無疵稱是以求其實難副別爲政績史書所載輿論所憑有一二實政及民皆可入選不但廣昭前美亦可激厲後來惟大節有虧應附削名之例竄入雜傳以清流品

一宗寧於

國初首入版圖撫按學臣兩司各員但駐於此其政績

保寧府志卷之一 凡例

三

例得備書自順治十七年未移省會以前名臣宿將功業彪流槩行詳採

一教職有課士子之責丞尉有佐繁劇之勞掩而弗彰非所以廣風厲間加訪擇用著清能至以死勤事則別人忠節雖微必錄

一漢唐以來遙領襲封暫權卒謚各官究之並非宦於茲土在宋尤多如党進安俊趙元儼王貽永諸人縣志並誤爲名宦今按史凡領封謚攝者悉附

題名後以防譌謬

一職官人物論定後錄存者雖有可書例難入採藝文亦如之

一各志人物立循吏儒林文學諸名仿於史體第史取天下之賢志僅一方之彥其有文學入於儒林可儒林入於循吏又可難以區分舉曰人物則凡卓有可紀皆得與諸至効命疆場以及敦行鄉閭者更爲忠義孝友行誼次第書焉

一職官有忠節人物復有忠節其名易泯且人物不皆守士之人匹夫憤起赴難捐軀無盡節之責有

保寧府志卷之一 凡例

四

死事之榮入仕版者爲忠在鄉曲者爲義名之以是似允其稱

一孝友爲倫紀之首必求雋盡無慙近古有幾然亦未容濫採事實可據鄉黨同稱始行登錄

一行誼有長者之風隱逸乃潔身之士或掠美市恩以爲高義或退休不第以爲孤蹤核之於名實不相副遠甄近別俾景流芳

一列女處順者式訓閭閻處變者激揚清烈其已邀旌典固得備書卽未經題旌亦徵其年例相符輝諸彤